



Poziv za dostavu ponuda (RFP)

za

“Izbor izvođača radova na adaptaciji dijela poslovnice Stari Grad “

13.03.2019.

Osnovne informacije:

<i>Događaj</i>	<i>Predviđeni datum i vrijeme</i>
<i>Objavljivanje poziva za natjecanje</i>	<i>13.03.2019.</i>
<i>Rok za dostavljanje pitanja/zahitjeva za pojašnjenjem</i>	<i>18.03.2019. do 12h</i>
<i>Rok za dostavljanje ponuda</i>	<i>18.03.2019. do 12h</i>
<i>Ponude moraju važiti do (uključujući i navedeni datum):</i>	<i>15.04.2019.</i>
<i>Ponuđene cijene u slučaju zaključenja ugovora moraju važiti minimalno do:</i>	<i>za period važenja ugovora</i>
<i>Rok za objavljivanje rezultata natjecanja</i>	<i>15.04.2019.</i>

Kontakt osoba iz Sberbank BH za pitanja o predmetu natjecanja	nabavke@sberbank.ba
Kontakt osoba iz Sberbank BH za pitanja o načinu natjecanja	nabavke@sberbank.ba
Adresa SBERBANK elektronske trgovinske platforme	www.sberbank-ast.eu
Adresa Sberbank BH	Sberbank BH d.d. Sarajevo Fra Anđela Zvizdovića 1, 71000 Sarajevo, Bosna i Hercegovina www.sberbank.ba

Povjerljivo

Uslovi natjecanja

I. Uvod

Poziv objavljuje	Sberbank BH d.d. Sarajevo
Adresa	Fra Anđela Zvizdovića 1, 71000 Sarajevo, Bosna i Hercegovina
Općinski sud u Sarajevu MBS 65-02-0023-11 Račun kod Centralne banke Bosne i Hercegovine broj: 140-101-00000005-18 JIB 4200072900000 • PIB 200072900000 SWIFT SABRBA22 • IBAN BA 391401011200071132	
U daljem tekstu Banka	

Sberbank BH članica je **Sberbank Europe AG**, sa sjedištem u Beču, koja je u 100% vlasništvu Sberbank Rusija. Kada je Sberbank Rusija preuzela Volksbank International (VBI) u 2012. godini poduzeti su značajni koraci za postepeno pretvaranje Sberbank Europe u punopravnu, samofinansirajuću i profitabilnu banku s naglaskom na maloprodajne i poslovne korisnike. Sberbank Europe je prisutna na osam tržišta Centralne i Istočne Evrope: Austriji, Bosni i Hercegovini (Sarajevo i Banja Luka), Hrvatskoj, Češkoj Republici, Mađarskoj, Njemačkoj, Sloveniji i Srbiji. Od 30. novembra 2017. (isključujući Banku u Ukrajini, koju je preuzeo novi vlasnik u decembru 2017.) Sberbank Europe je poslovala sa 190 poslovnica preko 4.000 zaposlenika diljem Srednje i Istočne Europe. Kao sastavni dio jedne od najvećih, najbrže rastućih i najdinamičnijih finansijskih institucija u svijetu, Sberbank Europe nastoji izgraditi održive mostove između Rusije i europskih tržišta.

Sberbank Rusija, osnovana 1841., najveća je ruska banka i vodeća svjetska finansijska institucija. Sberbank drži gotovo jednu trećinu ukupne imovine ruskog bankarskog sektora, ključni je lider nacionalnoj ekonomiji i najveći ulagač u Rusiji.

Centralna banka Ruske Federacije je osnivač i glavni dioničar Sberbank, u čijem vlasništvu se nalazi 50 % temeljnog kapitala banke s jednom dionicom s pravom glasa više, a preostalih 50% drže domaći i strani investitori

Sberbank posjeduje najveću bankarsku mrežu u Rusiji s više od 14.500 poslovnica, a njene međunarodno poslovanje uključuju Veliku Britaniju, SAD, Zajednicu Nezavisnih Država, centralnu i istočnu Europu i Tursku.

Sberbank Grupa ima više od 145,6 milijuna klijenata u više od 20 zemalja.



Dolazak Sberbank u BiH označava i novi početak u našem poslovanju. Nakon akvizicije od strane Sberbank u februaru 2012, počeli smo sa značajnom transformacijom kako bismo unaprijedili naše poslovanje i stavili veći fokus na klijente i njihove potrebe. Sve smo ovo uradili sa ciljem da postanemo lideri u kvalitetu usluga koje pružamo na bankarskom tržištu Bosne i Hercegovine.

Konstantno radimo na unapređenju naše ponude proizvoda kako bismo Vam pružili vrhunsku uslugu zasnovanu na Vašim potrebama u skladu sa posljednjim trendovima u bankarstvu. Nama je izazov da

u svakom trenutku možemo da Vam ponudimo što bolje i raznovrsnije finansijske proizvode i na tom izazovu radimo u kontaktu sa svakim pojedinačnim klijentom.

Bankari njeguju individualni pristup svakom klijentu, pružajući im uslugu koja je posebno kreirana da odgovori na njihove jedinstvene potrebe i očekivanja.

Naš cilj je da gradimo trajne, harmonične odnose sa našim klijentima na način da posvećujemo pažnju njihovim potrebama. Kao Sberbank BH, nastojimo da postanemo banka koja nikada ne prestaje da razvija sebe i svoje poslovanje za dobrobit naših klijenata.

Sberbank BH d.d. posluje sa 31 poslovnicom na prostoru Federacije BiH, ima preko 400 uposlenika te više od 100.000 zadovoljnih klijenata.

II. Predmet natjecanja

Cilj ovog poziva na natjecanje je izbor izvođača radova na adaptaciji dijela prostora poslovnice Stari Grad shodno sljedećim LOT-ovima:

- **LOT 1 – Izvođenje građevinsko zanatskih radova**
- **LOT 2 – Izvođenje radova na elektro instalacijama**

Specifikacija radova prikazana je u predmjerima koji čine sastavni dio ovog poziva. Izvođač može dostaviti ponudu za jedan ili oba navedena LOT-a.

Izvođenje radova : **rok za završetak radova 24.03.2019.**

U prilogu ovog poziva dostavljamo sljedeće:

- Nacrt - plan demontaže pregrada
- Nacrt - izgleda prostora po okončanju radova.

Komercijalni uslovi

Ponuda mora važiti do potpisivanja Ugovora a najkasnije do 15.04.2019.

Kod zaključivanja Ugovora sa pobjednikom tendera isti mora imati otvoren račun u Sberbank BH d.d. Sarajevo. Sva plaćanja po osnovu ovog tendera vršit će se isključivo na račun otvoren u Sberbank BH d.d. Sarajevo.

Banka zadržava pravo da od pobjednika tendera zahtjeva dostavljanje bankarske garancije za dobro izvršenje posla.

Uslovi plaćanja:

Banka će robu/usluge plaćati do 8 dana od isporuke robe/usluga, po prijemu fakture uz koju mora biti dostavljena otpremnica ili zapisnik o isporuci ovjeren potpisima nadležnih uposlenika Banke. Podrazumijeva se da je plaćanje obavljeno u momentu zaduženja računa Banke za iznos fakture.

III. Sadržaj ponude

Dostavljene ponude moraju biti potpisane na pravno valjan način i moraju sadržavati sljedeće informacije u navedenom redosljedu i sa navedenim oznakama i nazivima, u svrhu efikasne i uniformne obrade svih pristiglih ponuda. Ako ovaj zahtjev nije zadovoljen, ponuda i ponuđač mogu biti diskvalificirani zbog nezadovoljavanja formalnih zahtjeva natjecanja.

1. Detaljna komercijalna ponuda

Obavezan dio

✓ **Popunjen predmjer radova a koji čini sastavni dio ovog poziva**

2. Lista podgovarača za navedene radove/usluge
3. Prijedlog/draft ugovora
4. Ostali dokumenti i materijali – tehnički detalji i specifikacije, katalogi, prospekti, uzorci i slično.

Ponuđač može dostaviti alternativne ili opcione ponude odvojeno do glavne ponude.

IV. Metoda ocjenjivanja ponuda

Ocjenjivanje ponuda će izvršiti Tenderska komisija koju imenuje Banka. Banka zadržava pravo da angažuje treće strane, nezavisne konsultante, kao pomoć u ocjenjivanju ponuda.

Rezultati natjecanja će biti objavljeni svim učesnicima natjecanja ne kasnije od datuma navedenog na prvoj strani ovog RFP-a. Banka zadržava pravo da ne objavi rezultate i da ne obrazlaže takvu odluku.

Ponude će biti ocjenjivane prema kriterijima koje odabere Banka, uključujući ali ne obavezujući se i ne ograničavajući se na sljedeće kriterije:

1. *Cijena*
2. *Iskustvo u realizaciji sličnih projekata i reference*
3. *Uslovi realizacije/isporuke i garancije*
4. *Kvalitet ponude u smislu kvalitete ponuđenih roba/usluga i koristi za Banku*

Sljedeće ponude ili ponuđači mogu biti diskvalificirani:

- *ponuda dostavljena nakon krajnjeg roka za dostavu ponuda*
- *ponuda ostavljena na način protivan zahtjevima ovog RFP-a*
- *ponuda dostavljena u otvorenom ili oštećenom pakovanju (u slučaju dostavljanja ponuda u zatvorenim kovertama) tako da je moguće ukloniti ili zamijeniti sadržaj pakovanja*
- *ponuda učesnika natjecanja koji je na bilo koji način narušio principe jednakih uslova za sve natjecatelje*
- *nekompletna ponuda*
- *ponuda natjecatelja koji je objavio stečaj*
- *ponuda natjecatelja protiv kojeg je pokrenut stečajni postupak ili procedura namirenja (izvršni sudski postupak)*
- *ponuda natjecatelja čiji je zahtjev za objavljivanje stečaja odbijen zbog nedostatka sredstava*
- *ponuda natjecatelja koje je pravno lice u procesu likvidacije*
- *natjecatelj koji je predočio lažne informacije*

V. Prava Banke

Banka ne preuzima nikakve obaveze u pogledu rezultata koji je postigao natjecatelj dostavljenom ponudom. Banka zadržava pravo da izabere ponudu i dobavljača koji joj najviše odgovara, da izmjeni uslove natjecanja ili poništi natjecanje, prihvati samo dio ponude, podijeli natjecanje i/ili konačni ugovor na više dijelova sa različitim uslovima i/ili dobavljačima, da izmjeni ili proširi konačni ugovor ili da odbije sve pristigle ponude, i pri tome da ne obrazlaže svoje odluke.

Banka zadržava pravo da se samostalno raspituje o referencama učesnika tendera.

Banka zadržava pravo da na bazi pristiglih ponuda promjeni uslove natjecanja, da uvede više krugova natjecanja i da traži dodatne informacije od odabranih natjecatelja.

Banka zadržava pravo da konačnu cijenu postiže putem aukcije.

Banka će konačne uslove ugovora postizati pregovorima sa odabranim natjecateljima nakon završenog tendera. Ako se u pregovorima ne postigne dogovor, Banka zadržava pravo da ne zaključi ugovor čak ni sa izabranim učesnicima, pobjednicima natjecanja.

Banka zadržava pravo da pravi izmjene uslova/zahtjeva ovog natjecanja u bilo kojem trenutku, o čemu će natjecateljima dostaviti potrebnu/raspoloživu dokumentaciju i informacije potrebne da se ta izmjena objasni i primjeni. Ako te izmjene dovode ili mogu dovesti do promjene već ponuđenih cijena ili na bilo koji drugi način uticati na već dostavljene ponude, natjecatelj treba o tome obavijestiti Banku.

Banka zadržava pravo da ne objavi pobjednika natjecanja ili da ne objavi razloge za izbor pobjednika.

Svi komercijalni odnosi između Banke i natjecatelja podliježu zakonu Bosne i Hercegovine.

Banka zadržava pravo da povjerljive informacije iz ovog natjecanja dijeli unutar Sberbank grupacije.

Dostavljanjem ponude natjecatelj prihvata gore navedena prava Banke.

VI. Dostavljanje ponuda

Natjecatelj je odgovoran za dostavljanje ponude na vrijeme, ne kasnije od roka navedenog na prvoj strani ovog RFP-a. Banka odbija svaku odgovornost za kašnjenje ponude, bez obzira na uzroke kašnjenja.

Ponude dostaviti e-mail-om, na adresu nabavke@sberbank.ba.

Zabranjeno je dostaviti ponude na druge adrese u Banci, na bilo koji način i u bilo kojem trenutku od momenta objavljivanja ovog RFP-a do završetka natjecanja. Natjecatelj koji prekrši ove odredbe može biti diskvalificiran / isključen iz natjecanja.

Svi upiti i zahtjevi za pojašnjenjima vezani za natjecanje dostavljaju se na isti način i sa istim ograničenjima, do datuma navedenog na prvoj strani ovog RFP-a.

Svi dijelovi ponude koji sadrže potpise moraju biti skenirani.

Dostavljene ponude i sva dokumentacija mora biti u Microsoft Office 2010 ili Microsoft Office 2013 ili PDF formatu dokumenata. Ponude i dokumentacija mogu biti dostavljene i zapakovane u kompresovane ZIP archive, ali i tada važi prethodni zahtjev o formatu dostavljenih dokumenata.

Ako se uz ponudu šalju katalozi ili prospekti proizvoda i slični materijali koji ne mogu biti dostavljeni u elektronskom obliku, isti mogu biti dostavljeni lično ili poštom na adresu navedenu na prvoj strani ovog RFP-a, sa naznakom "Za Menadžera za nabavku" i u istom roku propisanom za dostavljanje ponuda.

VII. Anti-korupciona pravila

Slanjem ponude natjecatelj potvrđuje, vezano za poslovanje sa SBBH, da on / ona ili neko ko djeluje u ime društva nije ponudio u prošlosti, ili doprinjeo da bude ponuđen, ili namjerava ponuditi ili uzrokovati da bude ponuđen, bilo novac ili druge stvari od vrijednosti, bilo kojem partneru iz privatnog biznisa ili vladinim službenicima, što bi prekršilo bilo koje primjenjive zakone protiv mita i korupcije.

Slanjem ponude natjecatelj nadalje potvrđuje da on ili ona ne zna i nema razloga da vjeruje da se bilo koji savjetnik, zastupnik, predstavnik, ili bilo koje druga osoba angažovana od strane kompanije u vezi

sa SBBH poslovanjem, ponašao na način koji bi potencijalno prekršio bilo koji primjenjivi zakon protiv mita i korupcije.

Banka će prekinuti saradnju sa kompanijom za koju se utvrdi da je prekršila pravila u ovom paragrafu.

Ako imate ili dobijete informaciju o bilo kakvom kršenju principa pravednosti ili kršenju odredbi u ovom paragrafu, molimo da to prijavite putem sljedećeg linka:

<https://www.bkms-system.net/bkwebanon/report/clientInfo?cin=19sb2&language=eng>

Molimo da imate u vidu da prijavu možete napraviti anonimno, ali da preporučujemo da ostavite kontakt detalje za slučaj da su nam potrebne dodatne informacije i pojašnjenja.

Molimo da tu informaciju istovremeno pošaljete e-mail-om na adresu prigovori@sberbank.ba

VIII. Završne odredbe

Svi podaci i informacije sadržane u tenderskoj dokumentaciji koju Banka dostavlja, ponudama i drugoj dokumentaciji dostavljenoj Banci od strane natjecatelja i sve informacije koje natjecatelj pribavi tokom i u vezi sa ovim natjecanjem moraju biti tretirane kao strogo povjerljive i ne smiju biti korištene od strane natjecatelja za bilo koju drugu namjenu osim za onu za koju su dostavljene. Natjecatelj nije ovlašten da te podatke, informacije, ponude i drugu dokumentaciju distribuira ili odaje trećim stranama ili da daje javne izjave ili da ih na bilo koji drugi način objavi bez prethodne pisane saglasnosti Banke. Dokumenti vezani za ovo natjecanje ne smiju biti umnožavani, kopirani ili ustupani trećim stranama bez prethodne pisane saglasnosti Banke.

Slanjem ponude natjecatelj daje saglasnost Banci da sve povjerljive informacije i lične podatke koje sazna tokom i u vezi sa ovim natjecanjem procesira i distribuira unutar Sberbank grupacije za potrebe bankarskog poslovanja i da ih može proslijediti i otkriti domaćim i stranim članicama Sberbank grupacije za korištenje unutar grupacije.

Važno je napomenuti da Banka zadržava ničim ograničeno pravo da mijenja, obustavlja i otkazuje ovo natjecanje u bilo kojem trenutku. Takođe, Banka zadržava ničim ograničeno pravo da izabere da li će i s kojim natjecateljem pregovarati o predmetu natjecanja i mogućoj saradnji te s kojim natjecateljem i da li će uopšte zaključiti ugovor. Natjecatelji nemaju pravo žalbe/tužbe protiv Banke po osnovu odbijanja bilo kojeg ili svih natjecatelja i/ili po osnovu neprihvatanja bilo koje ili svih ponuda, a posebno nemaju pravo žalbe/tužbe bilo koje vrste u vezi zaključivanja Ugovora ili kompenzacije troškova ili uloženog vremena ili pretrpljene štete. Banka zadržava pravo da zaključi ugovor za samo dio ponuđenih usluga.

Dostavljanjem ponude natjecatelj pristaje na uslove ovog natjecanja u cijelosti i obavezuje se na poštovanje pozicije Banke tokom predstojećeg procesa natjecanja, analize i ocjenjivanja.

Ponude neće biti vraćene natjecateljima.

Banka neće natjecateljima isplaćivati naknadu za troškove koje mogu imati tokom natjecanja (osim ako je drugačije navedeno u uslovima natjecanja).

Banka ne prihvata nikakve obaveze prema učesnicima ovog natjecanja samo po osnovu njihovog učešća u natjecanju, do potpisivanja ugovora.

Za sve sporove nadležan je sud u Sarajevu.

Pitanja i pojašnjenja:

Odgovori i pojašnjenja na upite natjecatelja biće poslani svim učesnicima natjecanja kako bi se osigurala jednakost uslova za sve učesnike.

Upiti se dostavljaju isključivo na način opisan u ovom RFP-u i drugačiji upiti nisu dozvoljeni. Natjecatelji ne smiju kontaktirati Banku telefonom ili lično, sa izuzetkom kontakt osoba navedenih u ovom RFP-u i ako se kontakt osobe obje strane dogovore drugačije

Sberbank BH d.d. Sarajevo

*Direktor sektora za Podršku
bankarskom poslovanju*

*Voditelj odjela Operativna
podrška*

*Vodeći specijalista za
nabavku*

.....
Merima Mahmutović

.....
Enisa Međić

.....
Šejla Salahović

Prilozi:

1. Izjava / Affidavit
2. LOT 1 Predmjer radova – Izvođenje građevinsko zanatskih radova
3. LOT 2 Predmjer radova – Izvođenje radova na elektro instalacijama
4. Nacrt – plan demontaže postojećih pregrada
5. Nacrt – izgled prostora po okončanju radova

Prilog 1.

Izjava / Affidavit

Puni naziv kompanije: _____

Adresa: _____

Ovim izjavljujem sljedeće:

- * stečajni postupak nije pokrenut protiv kompanije
- * stečaj nije proglašen na imovinu društva, niti je stečajni, niti postupak poravnanja započet, niti je proglašenje stečaja odbijeno zbog nedostatka sredstava lica u stečaju, te se kompanija ne zatvara
- * kompanija nema neplaćenih zaostalih poreza u poreskoj evidenciji
- * lice koje obavlja funkciju zakonskog organa, niti bilo koji član zakonskog organa, niti osoba koja djeluje kao predstavnik odgovoran za djelatnosti koje su predmet tendera, nisu osuđivani za krivično djelo, čije se činjenice odnose na predmet poslovanja podnosioca, niti su osuđivani za privredni kriminal niti krivično djelo protiv imovine
- * kompanija nije bila predmet disciplinskog kažnjavanja prema posebnim propisima kojima se uređuje obavljanje posebne djelatnosti u protekle tri godine
- * kompanija nema zaostalih obaveza plaćanja za javno zdravstveno osiguranje, niti ima zaostalih plaćanja za socijalno osiguranje, niti doprinosa prema državnoj politici zapošljavanja
- * Naša kompanija namjerava sudjelovati na tenderu i spremna je za isporuku roba/usluga u slučaju da pobjedi na tenderu
- * Niko od nas nije tražio da razmjenimo cijenu sa njima prije podnošenja, da ne ponudimo najbolju cijenu, ili da NE poboljšamo ponudu. Ukoliko takve informacije dobijemo u budućnosti, mi ćemo djelovati u skladu sa klauzulom VII ovog Zahtjeva za dostavu ponuda

Datum:

Ime i prezime zakonskog zastupnika

.....

Potpis zakonskog zastupnika

.....

